

HITZ BITAN

Gora 'Geu' eta geutarrak!

HEDABIDEAK. 10. urtemuga ospatzen hasiko dira etzi Gasteizko aldizkaria eta elkarte

Luis Karlos Garcia | GASTEIZ

Hamar urte. 1992ko abenduan argitaratu zen *Geu* aldizkariaren lehendabiziko alea, itxaropenez betea; hamarkada oso baten ondotik, «diseinu, paper nahiz logotipo berriko XXI. menderako aldizkaria» plazaratuko da, hilabetekariaren zuzendari Esti Breñasek hedabide honi azal dutakoaren arabera. «Akaso, urteotako lorpen nabarmenena izan da, hain juxtu, hamar urtez iraun izana», erantsi du.

Geu-k autofinantzaketa du orain helburu nagusia. Erakundeek aurrekontuaren %18 ematen diote, eta abian da 600 harpidedun gehiago lortzeko kan-

paina. Izan ere, euskarazko hedabideen alorra «estrategikotzat» hartu izan bada ere, horrek ez ohi du diru laguntzetan islarik: «Aurten 12.000 euro inguruko defizita izango dugu. Arrazoa da azkenaldion urte bakoitzeko 9.000 euro galdu ditugula erakunde publikoen laguntzen subentzioen murrizketatik nahiz publizitatearen desagerepenagatik».

Harreman zaila Aldundiarekin

2000. urtea garrantzi handikoa izan zuten. *Geu* Gasteiz izena baztertu eta *Geu* zuzen batez berriro bataiatzea erabaki zuten.

Gero, uda bero samarra heldu zen, Arabako Diputazioare-



RAUL BOGAJO / ARGAZKI PRESS

Esti Briñas *Geu* aldizkariko zuzendaria.

kin izandako ika-mikaren eraginez, PP-Uaren gobernu taldeak sosak emateari uko egin baitzion *Geu*-k preso ohi bat elkarriketatzeagatik. Aldundiak atzera egin zuen azkenean, baina hurrengo urtean arazoak agertu ziren atzera, Diputazioak *Geu*-ri lehia harrigarria egin ziolarik, elkartearen Arabako

Euskal Hotsak erakusketaren gisako beste bat eratuz. Breñasen esanetan, Aldundiko Euskara Batzordearen ekimenak «nondik hartu ez zeukan», eta azken helburua «euskararen aldeko pauso interesgarriak oztopatzea» ote zen galdetu du.

Geu, aldizkaria eta elkartearen aldetik, 10. urtemuga ospa-

tzen hasiko da etzi ekitaldi sorta batekin, Araba osoko euskara hutsezko hilabetekari bakarraz izateak «rol izugarri garrantzitsua» jokatzera daramala jakitun. «Ez baita gauza bera eremu euskalduneko herri aldizkaria izatea edo Arabakoa, non euskara ahalegin handiz berreskuratzen ari den». Zorionak!

EMAKUMEA

X. Emakumea eta Elkartasuna topaketak antolatu ditu Iruñean Emakume Internazionalistak taldeak

Ez kolonizazioa eta ez globalizazioa; feministak eta kitto! lelopean X. Emakumea eta Elkartasuna topaketak egingo dira asteartetik ostegunera Iruñean. Emakume Internazionalista taldeak hiru kazetari deitu ditu gaiaren inguruan azalpenak emateko: Sara Lovera (Mexiko), Montse Boix (Katalunia) eta Helena Bengoetxea (Eguzki Irratia). Hitzaldiak 19:30ean izango dira, asteartean Hizkuntz Eskolan eta gainontzeko egunetan Zabaldin.

'Generoa eta Aurrekontu Publikoak' jardunaldiak antolatu ditu Emakundek

Emakumearen Euskal Institutuak (Emakunde) antolatuta 'Generoa eta Aurrekontu Publikoak' jardunaldiak egingo dira bihar eta etzi Emakundek Gasteizen duen egoitzan. Euskal Autonomia Erkidegoko (EAE) eta Europako hainbat esperientzia aztertuko dituzte.

JOSTAILUAK

Jostailu «beliko eta sexisten» kontrako kanpaina egingo du Bakearen Aldeko Koordinakundeak

Hiltzera ez da jolasten lelopean jostailu «beliko eta sexisten» kontrako kanpaina egingo du Bakearen Aldeko Koordinakundeak. Atzo kartelak paratu zituzten Donostiako kaleetan eta datozen egunetan Bilbon gauza bera egin asmo dute. Jostailuak erosteko orduan «kritikoagoak» izan behar dutela esan zieten gurasoei koordinakundeko kideek. Eskoletara ere igorri dute eskutitz bat koordinakundeko ordezkariak.

ISTILUAK

Baionako sorospen zerbitzuek 25 urteko gazte bat Errobi ibaitik atera zuten larunbat goizaldean

Ostirala eta larunbata arteko goizaldean, 02:45 aldera, Baionako sorospen zerbitzuek 25 urteko gizon bat atera behar izan zuten Errobi ibaitik. Aditzera eman zuten, gazteak ez zuen bere burua bota ibaira, bertze norbaitek baizik. Sorospen zerbitzuek Baionako erietxera eraman zuten gaztea.

EUSKARA

Frantziako Estatu Kontseiluaren erabakiak kezkatzen duela dio Ikas Bik

Ikas Bi Gurasoen Elkarteak kezkatutik agertu da Frantziako Estatu Kontseiluak azaroaren 29an hartu erabakiarekin. Izan ere, Diwan eskolen integrazioa ukatzeaz gain, Estatu Kontseiluak orotarazi zuen erabaki berbera oren parekotasunean egindako irakaskuntza elebidunari ere egoki behar zaiola eta integrazioa mota hori bermatzen zuten legeak indargabetu ditu.



canalvasco

orain www.jumptv.com helbidean ere bai

Orain mundu zabalean ikus daiteke ETB. Izan ere, Canal Vasco Interneten emititzen hasi da www.jumptv.com plataformaren bidez.

Atzerrian senide edo lagunik baldin baduzu, iragarki hau moztu eta bidali euri. Edo, nahiago baduzu, eman web helbidea: www.jumptv.com.

Bestalde, jakinaraz iezaiezu eitb.com helbidean ere ikus ditzaketela Canal Vascoren eta ETB Sat-en ohiko emanaldiak.

Eskertu egingo dizute.

eitb